

АЗБУКА ВЕРЫ



Акафист Воскресению Христову

Молитвослов 2023

Акафист Воскресению Христову



Конда́к 1.

Возбра́нный Воево́до и Го́споди, ве́чныя сме́рти победи́телю, я́ко изба́вься от духо́внаго умерщвлéния, похва́льная восписýю Ти́, возо́зданный Тобо́ю, ра́б Тво́й. Ты́ же, я́ко имéяй побéду над сме́ртию, от сме́рти грехо́вныя свободи́ нас, зову́щих:

Иисýсе воскрéсший, воскреси́ дýши на́ша.

Икос 1.

Ангели́ воскрéсние Твое́, Христé Спа́се, непреста́нно пою́т на небесе́х, и на́с на землі сподо́би чисти́м се́рдцем воспéти Тебе́ си́це:

Иисýсе непости́жимый, все́х ве́рных просвещáяй, просвети́ и мя заблýдшаго.

Иисýсе воскрéсший, все́х Собо́ю оживля́яй, оживи́ мя умéршаго грехми́.

Иисусе, на небо вознесыйся и возносяй на Тя надеющихся, совознеси и мя долу преклоннаго.

Иисусе, сидяй одесную Отца и разделяяй славу с любящими Тя, не лишй мя славы Твоея.

Иисусе, хотяй прийти судити живым и мертвым, не осуди мя по делом моим, но сотвори со мною по милости Твоей.

Иисусе воскресший, воскресй души наша.

Кондак 2.

Видя падших человеков, Господи, Ты вочеловечився совоскресил еси всех и, воскресив, даровал вся потребная ко спасению: сице и мене умерщвленнаго грехми оживи, зовуща: Аллилуйя.

Икос 2.

Разум не постигает тайны Божественныя, како Источник жизни воскресает, умерщвляя смерть? Сего ради, точно сердцем испытующе радость воскресения и тою просвещаемы, со гласом веселия духовнаго зываем Ти сице:

Иисусе, входяй дверем заключенным, вниди в дом души моея.

Иисусе, сретивый ученики на пути, срящи и мя на пути сей жизни.

Иисусе, воспламенивый сердца их Твоими словесы, воспламени и мое хладное сердце.

Иисусе, давый Себе познати в преломлении хлеба, даждь ми познати Тя в Божественней Евхаристии.

Иисусе, обещавый Духа Святаго учеником Твоим, ниспосли и мне Сего Духа Утешителя от Отца.

Иисусе воскресший, воскресй души наша.

Кондак 3.

Силою Божественною воскресивый Лазаря, воскресй и мене истлевшаго страстьми и многолетно лежащаго во гробе нераскаяния, да возстав по гласу Твоему, воспою спасаемый: Аллилуйя.

Икос 3.

Имеяй власть над смертию, из ада души воззвал еси, Иисусе. Воззови и мене из глубины греховныя, да и аз, очистив чувства, блистающе Ти во свете неприступнем, радостно воспою победную песнь тако:

Иисусе, смерти победителю, победи моя злыя страсти.

Иисусе, жизни подателю, даждь ми жизнь спасительную.

Иисусе, источниче радости, возвесели сердце мое во истине Твоей.

Иисусе, пятию хлебы пять тысяч насытивый, хлебом небесным напитай мя.

Иисусе, надѣждо падших, изми мя из рова зѣл моих.

Иисусе воскресший, воскресі души наша.

Кондак 4.

Буря страстей смущает и потопляет мя, но молю Тя Иисусе, яко Петру, простри ми руку помощи и, силою воскресения Твоего воздвигнув мя, научи воспевати: Аллилуия.

Икос 4.

Слышаще радостную весть воскресения Твоего, Иисусе, небеса достойно веселятся, земля же радуется; и мы празднующе вечное веселие, дерзаем звать Тебе сице:

Иисусе, седяи во свете неприступнем, буди доступен всем по милосердию Твоему.

Иисусе, любяи создания Твоя, не забуди и мене последнего.

Иисусе, влекий к Себе сердца, смягчи и мое окаянное сердце.

Иисусе, вся благая прошения исполняяи, исполни и мое прошение, во еже паче всего любить Тя.

Иисусе, всяку каплю слезную приемляи, не отрини и моих молений.

Иисусе воскресший, воскресі души наша.

Кондак 5.

Богоприятная жизнь источается от Тебе, о Иисусе Сыне Бога живаго! Сего ради молю Тя, да не погубит мя человекоубийца и да не заградит уста моя, вопиющая Тебе: Аллилуия.

Икос 5.

Видевше духом воскресшаго Господа, приидите, пиво пием новое, не от камене истекшее, но от источника нетленного и живоноснаго гроба Спасителя, имже бесплодную землю душ наших ооджив, научи всех пети Ему сице:

Иисусе, напаяяи нас Своею Кровию, даруй мне неоскудно примати пречестную Кровь сию.

Иисусе, ниспосылаяи дождь на праведныя и грешныя, ороси и мя к плодоношению духовному.

Иисусе, не возгнушавыйся грешницы покаившияся, даждь и мне нозе Твоей омыти слезами благодарения.

Иисусе, рекый Фоме: «блажени не видевшии, но веровавшии», даждь ми веру нелицемерную.

Иисусе, рекый: «ищите и обряцете», даруй ми обрести Тя единого на потребу.

Иисусе воскресший, воскресі души наша.

Кондак 6.

Проповедуяи в душе неумолкающаго радования Твое живоносное воскресение, Иисусе Боже мой, да буду и аз грешный причастник сего воскресения, поя Тебе непрестанно в горнем

Иерусали́ме: Аллилу́ия.

Икос 6.

Воссия́вый все́му ми́ру воскресе́нием Свои́м Госпо́дь Иису́с Хри́сто́с, ны́не вся́ исполня́ет све́та, не́бо же и зе́млю и преиспо́дня; да пра́зднует у́бо вся́ тва́рь Хри́сто́во воста́ние, в нёмже утвержда́еми вопи́ем си́це:

Иису́се, вся́ исполня́й све́том Твои́м, просвети́ и мои́ омраче́нныя о́чи.

Иису́се, не́бо и зе́млю сочета́вый, возведи́ мя́ от земли́ на не́бо.

Иису́се, снизше́дый све́том Божества́ в преиспо́дня, сни́ди в преиспо́дную ду́ши моея́.

Иису́се, изведи́ из темниц а́довых ожида́вшия Тя́ ду́ши, изведи́ и мя́ грешна́го из мра́ка уны́ния, я́ко живо́т мо́й а́ду прибли́жися.

Иису́се, все́м простира́й пречи́стеи ру́це Твои́, объими́ и мя́ окая́ннаго.

Иису́се воскресе́ший, воскреси́ ду́ши на́ша.

Конда́к 7.

Хотя́й откры́ти си́лу Божества́ Своего́, Госпо́дь покрыва́ется печата́тиу Каиа́фы, да не нару́шив о́ныя пред стрегу́щими, победоно́сно воста́нет и научи́т пе́ти: Аллилу́ия.

Икос 7.

Ди́вно и непости́жно е́сть, ка́ко вчера́ спогребы́йся Тебе́, Хри́сте, днёсь совостаю́ ду́хом, Тебе́ воскресе́шему, и воспева́ю та́ко:

Иису́се воскресе́ший, все́м ту́не жи́знь подава́яй, окрили́ ум мо́й, да Тебе́ последствует.

Иису́се, освяти́вый зе́млю Твои́ми стопа́ми, освяти́ мы́сль мою́, к Тебе́ вознося́щуюся.

Иису́се, не возбраня́вый начертáти пречи́стый о́браз Тво́й, да́ждь и мне́ имети́ ви́ну в ду́ши мое́й о́браз Твоего́ воскресе́ния.

Иису́се, прия́вый две́ лепте́ вдови́цы, приими́ от мене́ пе́снь сию́.

Иису́се, не осуди́вый блудни́цы, но на пу́ть истины́ наста́вивый ю́, не осуди́ и мои́х нечи́стых у́ст, в песнопéнии Тя́ лобыза́ющих.

Иису́се воскресе́ший, воскреси́ ду́ши на́ша.

Конда́к 8.

Стра́нно Бо́га вочелове́чшася и воскресе́ша мы́сленно ви́дяще, вся́кое жите́йское отложим́ попече́ние, я́ко да Ца́ря́ все́х поды́мем и воспо́ем Ему́: Аллилу́ия.

Икос 8.

Ве́сь бы́л еси́ лю́бовь к па́дшим челове́ком, о Иису́се, и поста́вил еси́ на божестве́нной стра́жи богоглаго́ливаго Авваку́ма, да пока́жет светоно́сна а́нгела, я́сно глаго́люща о воскресе́нии

Твоём. Тёмже и мы зовём Тебе сїце:

Иисусе, стрегомый воинами, послї паки ангела хранителя на стражу души моея, ебоже аз отгоняю грехи моими.

Иисусе, ослепивый очи стрегущим Тя блистанием Божества, отврати очи мои от суеты и просвети к познанию истины.

Иисусе, вопрошавый апостола Петра, «любиши ли Мя?», даждь мне имети образ любве его.

Иисусе, простивый тому апостолу отречение, прости и мне ежечасныя отречения от повелений Твоих.

Иисусе, давый власть вязати и решити, разреши мя от неправд моих.

Иисусе воскресший, воскреси души наша.

Кондак 9.

Все естество человеческое Тобою воспрियाтое прославися воскресением Твоим, Иисусе, и сего ради даруеши телесем нетление. Тёмже мы, видяще сие знамение в останцех святых, вопиём со умилением: Аллилуия.

Икос 9.

Ветии богоглаголивии утренюют духом, сретая Тя исходяща из гроба, и вместо мира приносят Ти песнь яко Солнцу правды и Владыце, с ними же наша молитвы прими сицевыя:

Иисусе, приемый миро на Тя излиянное, прими и мною излиянная славословия.

Иисусе, Солнце истины, просвети душу мою.

Иисусе, рыбари соделавый ловцы человек, улови и мою злую волю в Твое послушание.

Иисусе, из Савла соделавый первоверховнаго апостола, вразуми и мя заблуждающаго.

Иисусе, молитвами апостола сего и всех святых Твоих, пощади мя грешнаго.

Иисусе воскресший, воскреси души наша.

Кондак 10.

Спасти хотяй род человеческий Иисусе, низшел еси на землю и Бог сый восприял еси немощи наша, да и в них явится сила Твоя, подвизающая пети: Аллилуия.

Икос 10.

Царю воскресший, Иисусе Христе, Спасителю наш! Ты, низшедый в преисподняя земли и сокрушивый верей вечныя, содержащия связанные души, свободи и мене от уз греха, зывающа Тебе сїце:

Иисусе, вручивый возлюбленнаго ученика Матери Твоей, вручи и мя спасительному Ея смотрению.

Иисусе, страдания Матере Твоея обративый в радость, даждь и мне окаянному терпеливо понести крест мой.

Иисусе, давший миру заступницу Матерь Твою, даждь и мне грешному быти под кровом Ея.

Иисусе, младенцем невозбранный прикасаться к Тебе, даруй мне их незлобие.

Иисусе, рекый блуднице: «иди, и отселе не согрешай», даждь ми ктому не прогневлати Тя.

Иисусе воскресший, воскреси души наша.

Кондак 11.

Пение умиленное о воскресении Твоем даруй мне принести Тебе, о Спасителю мой! И в нем да примет душа моя елей исцеления от душевредных мечтаний, и да поет выну Тебе: Аллилуия.

Икос 11.

Светопримно от воскресения Твоего восприявше лучи благодати, и чрез них яко в зеркале видяще духовно Твое живоносное востание, поклоняемся Кресту Твоему Честному, и Святое Воскресение Твое поем и славим сице:

Иисусе, преклонивый небеса, прими поклонение наше благоутробно.

Иисусе, уснувший плотию яко мертв, умертви наша плотския похоти.

Иисусе, всего Себе давший на спасение человеков, даждь и мне всецело предатися Тебе.

Иисусе, возшедый на небеса уготовати место любящим Тя, всели и мя во обители Твоя.

Иисусе, седый одесную Отца, десным овцам сопричти мя.

Иисусе воскресший, воскреси души наша.

Кондак 12.

Благодать даждь и мне, всех возлюбивый Иисусе, и прими мое моление яко дань приносимую Тебе, и отжени от души моея вся лукавая помышления, да неосужденно воспою Тебе: Аллилуия.

Икос 12.

Поюще Твое всеславное воскресение, величаем Тя, о Иисусе Христе Боже наш! И веруем, яко даруеши всем живот вечный. Того ради в сей нареченный и святой день, яко братия друг друга объйдем, ненавидящим нас простим вся воскресением, и едиными усты и единым сердцем возопийм Тебе тако:

Иисусе, благословляяй благословляющих Тя, благослови и ныне посильный труд мой.

Иисусе, освящаяй на Тя уповающих, освяти желания и намерения моя.

Иисусе, обещающий быти с верными до скончания века, пребуди неотлучно и со мною грешным.

Иисусе, Слово Ипостаси Отчей, очисти недостойное мое слово к Твоему песнопению.

Иисусе, [Пасха](#) спасительная, от смерти к жизни приводящая, всели мя в чертог Твой, просветив одеяние души моея.

Иисусе воскресший, воскрес души наша.

Кондак 13.

О, Иисусе Христе, смертью смертью поправый и сущим во гробех живот даровавый! Приими в воню благоухания духовнаго сие малое моление наше и сущим нам во гробех нерадения даруй живот вечный, да поем Тебе: Аллилуия.

Этот кондак читается трижды, затем икос 1-й и кондак 1-й.

Молитва ко Господу Иисусу воскресшему.

Слава Тебе, Господи Иисусе Христе, Боже мой, яко паки сподобил мя еси недостойнаго, прешедши поприще святаго поста, поклонитися Божественным Страстем Твоим и видети всерадостный день преславнаго из гроба Воскресения Твоего, в оныже свободил еси сущия во аде от век связанныя души праведных. Той Божественныя свободы духа и плоти, дражайший Спасителю мой, и аз желаю, да разрешиши мя, связана суща многими грехи, и да сотвориши возсияти живоносному свету Воскресения Твоего во мрачней души моей. Вижду бо безчисленныя щедроты и неизреченное человеколюбие Твое, яко не точию от небытия в бытие мя привел еси, и образа Твоего подобием украсив, всея дольней твари владыку поставил мя еси, но и посем падша с высоты и врагу поработившася, не оставил еси, но, искупив мя безценною Кровию Твоею, благодатию крещения снабдил мя еси, да востеку на первое достояние. Аз же, окаянный, запят быв умом плотским, обратихся вспять и паки раб сотворихся греху и страстей, донележе един по единому погубих все дары благодати Твоея. И ныне убо, что сотворю, не вем; обаче помянув глаголы пречистых уст Твоих, яко не пришел еси призвати праведники, но грешники в покаяние, и аз, яко един от сих, с верою и смирением прихожду к живоносному гробу Твоему, не ароматы и воню мира носяй, (наг бо есмь и пуст благих дел,) но паче надежду имый обрести в нем прощение грехам моим и обновление нечистому житию моему. Призри убо на мя, кающася и служити Тебе хотяща, и не отрини от благодати Воскресения Твоего! Живоносною смертью Твоею и погребением умертви моя лютыя страсти, да, яко мертв и погребен, живу в мире сем. Преславным востанием Твоим воздвигни мою душу, умерщвленную грехми, и оживи совесть, еяже ничтоже в мире нужнейши есть. Вознесением Твоим отторгни мя от суетных и душегубительных благ земных, и сотвори мя горняя мудрствовать, яко да не ктому себе живя и угождая, но Тебе, Господу и Богу моему, служа и работая, якоже сподобихся поклонитися Воскресению Твоему на земли, тако сподоблен буду видети Тебе, дражайшаго Искупителя моего, и на небеси, за приятие смерти крестныя славою и честью венчанна, и став одесную величества Твоего, со архангелы и ангелы, и со всеми искупленными Тобою братьями моими, во веки веков пою Тебе: Аллилуия! Аминь.

* * *

Источник: Акафист Воскресению Христову / составил барон Нольде. - Изд. 6-е. - Москва: Синодальная тип., 1889. - 31 с.